

中國方志叢書·華中地方·第九五六號

據

清·朱崧等修，周立愛等纂
清乾隆十六年刊本

影印

江 西 省

瀘溪縣志

(一)

成文出版社有限公司印行

乾隆辛未年奉 恩 新梓

瀘溪縣志

乾隆辛未年奉 恩 新梓

瀘溪縣志

詩經卷之四

卷之四

重修瀘溪縣志序
地之有志昉於禹貢而在
周禮尤爲最詳不獨夏官
職方氏山鎮澤藪川浸其
民其畜其穀其利之具列
也春官小史掌邦國之志

外史掌書外令掌四方之
志秋官小行人使適四方
萬民之利弊爲一書以五
物周知天下之務諸侯亦
各有國史大事書之於冊
小事亦列於簡牘而後世

之史則子長孟堅推良焉
我
國家車書萬里一統志而外
有省志郡志下逮大小繁
簡各縣莫不有志雖風氣
不同記載各異大抵倣史

記漢志之遺意而爲之何
則志列封域山川形勝貢
賦猶史記漢書之有地理
河渠溝洫食貨也志列人
物名宦猶史記漢書之有
世家年表列傳也志豈苟

而已哉瀘邑僻在萬山叢
爾末邑在建屬爲最小較
之通邑大都瞠乎其後志
殆有難焉者雖然周封千
八百國見於經傳者一百
二十四國邾曹許莒杞滕

薛而下皆不遺小國之諸
侯且如鄭之爲命見許尼
山七子賦詩皆長贈答又
安可以小邑而忽諸瀘志
創於前明邑令陳君嗣是
屢經修輯最後前令李君

修於雍正九年迄今二十
年矣其中賦役之益輕人
文之漸盛與夫閭閻節孝
歷任官箴有應增入者旣
不可緩而前志中亦有煩
討論修飾者未可以略而

不講也余關左迂疎丁卯
戊辰鄉會獲售

聖恩深重於榜下引

見擢於稠人授以民社旋赴銓

曹籤掣江右
憲恩

題補承乏瀘陽受事之初卽

奉其院司道府各憲檄飭
修志自慚固陋未堪勝任
顧以志乘一書上塵
憲懷不敢辭責適以辦漕
監盤各公務奔走不遑至
庚午春乃延紳士集議其

不踴躍同心捐資勦事遂
於五月開館敦聘名彥殫
精悉慮增略刪繁考核必
詳登記必慎是皆鄉之長
者講於古人之學其好惡
端其去取嚴而相之者又

皆成均之雋膠庠之選固
可以和我衆而集成而余於
公餘之暇時一叅互考訂
雖不敢自謂仕學之優而
竊幸操觚得人於昔人所
譏或失則隘或失則誣或

失則濫或失則私吾知免
矣夫瀘邑俗尚敦龐性多
樸僊其業詩書者好以文
章理學自見其務農田治
麻苧者惟織嗇筋力之營
無紛華靡麗之悅熙熙自

得猶有古之遺風余蒞任
以來素餐滋愧而百姓安
余之拙境內稱寧謐焉昔
歐陽永叔之治滁也謂樂
其地僻而事簡又愛其俗
之安閒故與滁人樂歲月